

BRÁÐABIRGÐALÖG

63

4. júní

um tilraunastöð á Keldum.

FORSETI ÍSLANDS

gjörir kunnugt: Landbúnaðarráðherra hefur tjáð mér, að í frumvarpi til laga um atvinnudeild Háskólans, sem síðasta Alþingi hafði til meðferðar, en ekki náði fram að ganga, hafi verið ákveðið, að tilraunastöðin á Keldum skuli lúta læknadeild Háskólans. Jafnframt upplýsir ráðherrann, að Rockefellerstofnunin í Bandaríkjunum hafi gefið Háskóla Íslands nálega eina milljón króna til væntanlegrar stofnunar til rannsóknar á búfjársjúkdómum, og er ætlað nú þegar að reisa hús yfir stofnunina.

Í samræmi við skilyrði Rockefellerstofnunarinnar og tillögur nefndar þeirrar, sem undirbjó framangreint frumvarp, verður að teljast nauðsynlegt að koma þeirri skipan á nú þegar, að tilraunastöðin á Keldum skuli lúta læknadeildinni.

Með því að ég fellst á, að brýna nauðsyn beri til að setja bráðabirgðalög um téð efni samkvæmt 28. gr. stjórnarskrárinnar, set ég bráðabirgðalög á þessa leið:

1. gr.

Tilraunastöðin í sjúkdómafræði á Keldum í Mosfellssveit lýtur læknadeild Háskólans, enda skipar ráðherra sá, er fer með mál hans, þar forstöðumann og starfsfólk, að fengnum tillögum læknadeildar og yfirdýralæknis. Hann setur, að fengnum tillögum forstöðumanns, þær reglur um stofnun þessa, er nauðsynlegar kunna að vera.

Um lagning vegar að tilraunastöðinni á Keldum frá þjóðveginum um Mosfellssveit gilda ákvæði IV. kafla vegalaga, nr. 101 1933.

2. gr.

Lög þessi öðlast þegar gildi.

Gjört í Reykjavík, 4. júní 1946.

inn Björnsson.

(L. S.)

Pétur Magnússon.

BRÁÐABIRGÐALÖG

64

12. júní

um lántökuheimild fyrir ríkisstjórnina til að reisa lýsisherzluverksmiðju.

FORSETI ÍSLANDS

gjörir kunnugt: Atvinnumálaráðherra hefur tjáð mér, að rannsókn þeirri, sem gert er ráð fyrir í niðurlagi 1. gr. laga nr. 93 25. september 1942, til undirbúnings því að reisa verksmiðju til herzlu sildarlýsis, sé nú það langt komið, að ekkert sé því til fyrirstöðu, að hafið verði að reisa verksmiðjuna, þegar fé er fyrir hendi í því skyni. Telur ráðherrann þetta þeim mun meira aðkallandi sem vitanlegt sé, að alls staðar sé hinn mesti feitmetisskortur og skortur á